

四庫全書

集部

欽定四庫全書

張燕公集卷十五

唐 張說 撰

疏狀對策 批答

諫追暑三陽宮

陛下屯萬乘幸離宮暑退涼歸未降還旨愚臣固陋恐

非良策請為陛下陳其不可三陽宮去

一作距

洛城一百

六十里有伊水之隔崿坂之峻過夏陟秋水潦方積道

壞山險不通轉運河廣無梁咫尺千里扈從兵馬日費

支給

一作饟

連雨彌旬即難周濟陛下太倉武庫並在都

邑紅粟利器蘊若山丘奈何去宗廟之上都安山谷之

僻處是猶倒持劍戟示人罇柄臣竊為陛下不取夫禍

變之生在人所忽故曰安樂必誠無行所悔此不可止

之理一也宮城褊小萬方輻湊填城溢郭併鋪無所排

斥居人蓬宿草次風雨暴至不知庇託孤嫠老病流轉

衢巷陛下作人父母將若之何此不可止之理二也池

亭奇巧誘掖上心削巖起觀竭

一作竭

流漲海俯貫地脉

仰出雲路易山川之氣奪農桑之土延木石運斧斤山

谷連聲春夏不輟勸陛下作此者豈正人耶詩云人亦

勞止汙可小康此不可止之理三也御苑東西二十里

所出入來往雜人甚多外無墻垣局

一作局

禁內有榛藂

谿谷猛獸

一作殺

所伏暴慝是

一作所

憑陛下往往輕行警

蹕不肅歷蒙密乘嶮巖卒然有逸獸狂夫驚犯左右豈

不殆哉雖萬全無疑然人主之動不宜易也易曰思患

預防願陛下為萬姓持重此不可止之理四也今國家
北有胡寇觀邊南有夷獠騷徼關西小旱耕稼是憂安
東近平輸漕方始臣願陛下及時旋軫深居上京息人
以展農修德以來遠罷不急之役省無用之費澄心澹
懷惟億萬年蒼蒼羣生莫不幸甚臣自度芻議十不一
從何者沮盤遊之娛間林沚之玩規遠圖而替近適要
後利而棄前歡未沃明主之心已戾一作貴臣之意然
據臣血誠密奏而不愛死者不願負陛下言責之職耳輕

觸天威伏地待罪

諫潑寒戲疏

臣聞韓宣適魯見周禮而嘆孔子會齊數倡優之罪列

國如此況天朝乎今外蕃請和選使

一作使者

朝謁

一作入謁

所

望接以禮樂示以兵威雖曰戎夷不可輕易

一作也

焉知

無駒支之辯由余之言哉且潑寒胡未聞典故裸體跣

一作跳

足盛德何觀揮水投泥失容斯盛法殊魯孔褻比

齊優恐非干羽柔遠之義樽俎折衝之禮

一作道

論神兵軍大總管功狀

右被牒奉勅責通大總管功狀者自契丹背恩營州失
守前軍喪律榆關不開幽平烏棲於重整戎羯虎食於
四野燕南諸城十僅存一河朔之地人挾兩端由是豺
狼入於牢牢蜂蠆出於懷袖王受服不宿孤劒先驅寇
讎日深甲兵未繼于時鳩合步騎不滿三千彼衆我寡
兵怯虜熾且保關守塞力猶不禦況土人弄兵轉相攻
拔外召夷狄內據險隘冀州既陷勢將不已當決水之

衝承烈火之焰逆風撲燎摧岸塞河韓白見之知其難
矣王權以料敵靜而鎮下宣國恩以撫寧曉愚俗以逆
順督將吏以忠義示士伍以嚴肅深籌秘于六奇潛檄
通于千里滄瀛貝博響援增氣幽易恒定聲威有立而
又分兵井陘杜其西望引軍河漕阻此出流張虛旗於
趙城設奇兵於襄國亦猶吳夫人潛軍於巢縣而見舟
豫章漢將捷逕於武關而聲出峭澗蓋廣援以安衆多
方以悞敵故能舉無遺策兵不踰時滌昂宿於妖氛拔

冀方於塗炭俾皇靈溥暢黔首昭蘇朝廷釋東顧之憂
漳溢息南侵之患然後歸剽掠返流亡業窮乏賑夷傷
僮暴皆掩死喪復怨賞不失勞亦無濫受罰不漏罪亦
無冤人則王有大勲於是役也而又誠以奉上義以利
人至忠之狀有三為善之跡有五所謂忠者一曰思致
命也初戎寇方殷王乘駟救衆纔數騎捍敵羣醜山東
父老如恃山河既而王躬擐甲胄吐誠師旅誓在盡敵
以報前讎故得感激來戰決命爭勝二曰能果斷也凶

黨狂狡飛轉妖書吠堯謗舜間誘愚惑事斯蔓結搖我
人心王陰察州閭拊求魁蠹獲應賊書人耿羅漢等一
十三人焚書伏罪衆而後定故得破謀殺諜悖計無施
三曰誠感神也王地維近屬躬當大任所過山川鬼神
之地罔不精意懇禱以請之天子聖明皇天輔德實降
靈助以濟神兵幽感明祈多獲孚祐故得行師之處勝
風送旗合戰之時興雲翊陣金鼓所向冰消草靡所謂
善者一曰均下也飲食勞逸與將士必同二曰絜已也

徧賞有功王秋毫無受三曰詢善也國之彞典成誦在心閱實定名必諮羣議四曰嫉惡也每戮一人親數其罪必深加咎責使愧耻於地五曰不伐也賊平之日將吏賀功王稱美天威推勞士衆兢兢然若不已有也惟聖人神武制命預授兵符惟大總管忠善龔行克成廟筭今者顯號年記騰輝國籍方謂垂範雲臺勒休彞器而杖杜遣宴甫率於舊章茅土增封殊末於宗正此壯夫義士所以竊議而長嘆者也雖樹下不言用歸功於

明主然策勲有典何勸善於戎臣敢憑下問是用大陳其所正復州縣招撫歸降補署官僚存集流迸擒殺凶醜收獲軍實與吏士共功者具如別狀

賀彩雲見狀

右伏奉恩旨今日屬下元賜臣等侍從升降聖闕禮謁大聖尊容行香之際日西南有彩雲見者伏以大道無形至誠斯應上玄降福感而遂通步輦涉於齋宮虔脩香火彩雲生於曉日遽發祥光是知聖德與天心合符

萬靈與羣仙叶贊臣叨陪侍從如昇汗漫之遊承恩禮
謁更覩氤氲之瑞榮幸之極千載一時無任欣慶之至

賀破吐蕃狀

右臣等伏以涼州遙稟神算大振天威吐蕃小醜應時
摧敗元惡渠魁乘勢傳戮隻輪足馬坐見無遺雖虞舜
之格有苗黃軒之征涿鹿未有廓清氛祲如今日之盛
者臣等無任慶快之至

謝賜撰鄭國夫人碑羅絹狀

右內侍尹鳳翔宣口勅得所進鬪羊表及鄭國夫人碑
今賜卿綵羅二十疋絹一千疋鬪羊薄伎恩感戰士之
心雕蟲陋詞媿稱賢母之德效輕賞重戴厚慙深臣子
之情豈望天報

集賢院謝示道經狀

右臣伏見聖札金字八分寫道經兩卷以為惠文太子
三七追福天毫發彩宸翰騰輝色麗風雲光逾日月伏
惟陛下孝悌之至通於神明俯念天倫用資幽贊當茲

炎暑服此勤勞事絕古今感深名教臣忝司舊職載考
前王未有親親之至楷隸之美如此之備也足以作則
貽範垂之無窮伏望宣付史館以光典策無任誠懇慙
惶之至

謝賜御書大通禪師碑額

右內侍尹鳳翔宣示御書大通禪師碑額六字畫起平
雲點蹲出玉戈矛攢倚鸞鶴交飛神功發於至想睿思
成於玄德實謂天龍捧持虛空稱贊逝者如在薦福知

歸臣栖志禪門撰碑靈塔幸遇至情崇道御書假貸刻
星辰於嘉石爛日月於封丘感極悲生恩深無荅臣無
任望外殊澤之至

詞標文苑科策

永昌元年

第一道

問朕聞立極開基之主經文緯武之君莫不象法

集作法象

殊流污隆異制至於安人導俗咸即運以垂芳緝化宣
風各因時而播美是以道孚繩木爰膺九翼之年圖秘

龜龍用啟六爻之代窮桑御厯押

集作押

威鳳以分

集作踐

司軒后

集作丘

列位因景雲而命職徵汾陽之跡則十政

方凝俯河濱之化則四門攸闢祥披玉斗理九土以興

功祚徙金精調五聲而作教周崇六禮仁義之道為

先漢設三章王伯之圖斯雜皆所以牢籠八際囊括三

靈齊四大以居尊叶五神而稱正且隨時之義既不相

沿師古之言又聞前誥朕欽承先聖顧

集作對

越上玄當

寧興懷真切推溝之慮凝旒結想方深馭朽之情思所

以式展鴻猷，勉康庶績，而撫茲薄德，昧此永圖。爾等積學多聞，含章獨秀，未顯疇庸之德，宜申待扣之音。適時之務，何先經國之圖？何取集作最帝皇之道？奚是王霸之道？奚非佇聽良謨？朕將親覽。

對

對臣聞舜命昌言，漢徵極諫，嘗覽千古賢哉。二君今陛下發德音，下明制。集作詔選空岩穴，訪匝輿臺，大哉邈乎。

過之遠矣。臣以草莽

集作茅

之賤，謬當

集作瓜

車乘之招，誠

不足以庶幾王庭充塞大問

集作允塞
天闕非

伏讀聖旨乃知

天情之所在

集作舟

焉臣聞昔者鳥跡代繩龜

集作龍

文演

卦水土遷王時更萬祀金木互興人非一姓

集作代非

暨乎

三皇五帝氏徃夏商

集作殷

周漢氏作或導人以禮樂或

驅俗以政刑或革

集作敕

弊以忠敬或沿風以文武非師

古之誥有殊蓋隨時之義且異

集作異也

伏惟聖母神皇陛

下誕受鴻基光膺駿命若曰

集作粵若

立極格天之業論道

布政之典任賢克暴之功出洛非雲之瑞此並藏緯玉

冊勒休金版鬱于前古揚光於後業者矣至于集作若創

業垂統之則宏猷永圖之義

集作美

重光三聖載

集作再

清

六合可不謂然乎猶或惕慮推溝勞謙馭朽謝文明於

薄德想疇庸於清問

集作下問

此陛下之至讓也愚臣何足

以知之策曰適時之務何先經國之圖何取

集作對

臣聞

古者因人以立法垂時以立教以義制事以禮制心夫

人者理得則氣和業安則心固崇讓則不競知耻則遠

刑若強人之所不能雖令不

集作莫

勸禁人之所必犯雖

罰且違故曰政不欲煩煩則數數則政無定

集作煩則數改數改

無定人懷苟免之心網不欲密密則巧巧則文多傷

集作密則

深文傷文多傷

下有非辜之懼竊見今之俗吏或匪正人以刻

為明以苛為察以剝下為利以附上為誠綜覈之詞

集作

司考課專於刀筆撫字之宰職務具於

集作為

簿書陛下

日昃雖勤守宰風化多闕臣以為將行美政必先擇人

失政謂之虐人失人謂之傷政捨人為政雖勤何為伏

願陛下進經術之士退培克

集作刻

之吏崇簡易之化流

愷悌之風畫一成歌此適時之務也慎賢而用此經國
之圖也苟能英才不棄大化方隆而猶曰朝謝垂衣野
非擊壤則文武之道尚何言哉堯舜之君徒虛語耳策
曰帝皇之道奚是王霸之理奚非者布在方冊臣聞之
矣聖集作人御厯上淳而下信帝者應集作期君明而
臣哲周用王道教化一而人從漢雜霸道集作功刑政嚴
而俗偽故親譽優於畏侮文章劣於成康謹對

第二道

問朕聞禮崇三典方宏慎罰之規書著五刑不以深文
為義朕母臨赤縣子育黔黎夏日貶憂懼青牛之結氣
秋荼軫念慮丹筆之成寃然人尚掛於湯羅情倍深於禹

泣頃者荆郊起祲淮甸興

集作服提

祆朕惟罪彼元凶餘黨

並從寬宥今敬真

徐敬業弟

之輩猶蘊狼心不荷再生之恩

重構三蕃之逆還嬰巨釁便犯嚴科豈止殺之方乖於
折衷將小慈之澤爽彼大猷子大夫等學富三冬才高
十室刑政之要實所明閑傾此虛襟佇聞良說

對

對臣聞刑以助教德以開邪先王慎於好生大易誠於

緩死今陛下母

集作父非

臨黔首子育蒼生孚佑下人克配

上帝然有東南小侵荆蠻遠郊雖聖德泣辜尚用防風

之戮天心罪已仍勞淮甸之師

集作征

其有詿誤閭閻脅

從井邑陛下愍孤霜於海甸恤困窮於江漢捨從寬宥

此陛下之恩也而叢爾餘孽蠢茲頑兇思弄兵於漠地

之下將構釁

集作難

于戎狄之域罪盈稔貫禍得萌芽此

又陛下之明也今陛下乃賜臣策白豈止殺之方乖於折衷將小慈之澤爽彼大猷臣實見折衷大猷之規不知小乖微爽之義也策曰刑政之要實所明闇臣聞政

同集作猶

水火刑譬陰陽頃者三監亂常有司既糾之以

猛于今四罪咸服陛下宜濟之以寬明肆赦之渥恩安萬人之反側布深仁于羅鳥收至察于泉魚豈不大哉天下幸甚且夫人者眊也暗而不可罔庶者衆也愚而不可欺是以集作故刑在必澄不在必慘政在必信不在

必苛故明王之理天下也刑一則人畏而不干政簡則俗齊而不偽于是禍亂不作災害不生君安于上臣一作

人悅於下百姓日用

集作而字

不知其然四海之內風行

六字

集作四海風動

惟帝之則道暢鍾石聲流舞詠其行已也非他

所理者以此刑政之要庶幾一隅謹對

第三道

問朕聞仰觀乾象房心為布政之宮俯察坤元河洛建前篇受圖之所是以上稽珠緯得風雨之和下表圭臬作惟

集作屋

均遠近之節定都考室斯焉是崇顧以庸虛謬膺

大寶乾乾夕惕每軫納隍之懷栗栗

集作慄慄

宵興恒勞馭

朽之念而昊穹眷命靈貺屢彰雲構既隆天城斯畢是

用內省多愧上答愈

集作逾

勤將欲殷荐有常嚴配不墜

光啟惟新之躅申明祀典之方順四時以布和風考五

物以作

集作而行

正氣盛禮之要猶慮未宏爾等並積學基

身含章表質或遠從賓荐

集作貢

聲滿于州閭或遐應搜

揚譽光於朝選探皇王之興旨援

一作拔

周漢之前蹤蘊

集作

彼宵襟咸應備曉未知何代之政叅酌

集作詳

適中

何禮之規施用為切

前篇作當

務從必簡之道式

前篇作庶

崇可

久之基陳彼

集作試陳

嘉謀爾其揚摧思擢太常之第副朕

求賢之懷

集作意

對

對伏惟陛下則天法地畏命重人據河洛之規模總風

雨之交會軒后魚圖之水建邦設都周公龜墨之地考

堂作室靈祇降福嘉祥荐祉制同神造力以子來時

集作

將以殷薦上帝至法也嚴配先王至孝也加以八風攸序四時克諧無得而稱能事畢矣猶復執勞謙之不已懼盛禮之未宏訪末學之臣詢稽古之政斯事體大臣

何足言然而敢不欽承以竭涓滴耶策曰何代之政叅詳適中何禮之規施用為切臣謹錯綜三五明徵典墳

集作謨

竊以緯武經文布方策而非遠英風顯號流頌聲

而可襲未有反義背德而至昇平之政棄古

集作禮

違經

以克永終之祿莫不發號施令

集作德惠

法乾坤而

集作之

動

靜執契懸衡順金木之刑德

集作政

是故青陽玄室遵孟

仲而觀風白輅朱旗垂離兌而布政養老用上庠之禮

教胄取大學之義環水著辟雍之名嚮陽表明堂之位

盖所以享羣瑞朝諸侯班正

集作朝

朔調景緯成簡易之

業

集作基

崇久大之基

集作業

也皇王與旨庶此詳探周漢

前蹤難於守

集作專

用臣才智駑劣草莽輒生至如軍國

務廣政刑理急但至敬無文信言不美陛下欲聽其說

必觀於事將逆

集作達

其謀先求諸道危言抵禁破膽寒

心伏惟聖主稽

集作
稍

留天聽謹對

張燕公集卷十五

欽定四庫全書

張燕公集卷十六

唐 張說 撰

序

大衍厯序

特進集賢院學士修國史上柱國燕國公臣說言厯者
先王以明時授人敬天育物者也辰極恒居斗運不息
晦朔相推而變月寒暑往來而成歲日月右進周天之

度啟星辰左旋正時之氣合積餘分而致閏配甲子而設節鳳鳥為司疇人受職分分而加之者百鈞必過毫毫而減之者千里必差何則古法存而其人異也不見大聖孰能起之伏惟開元神武皇帝陛下欽崇天道眷徽月令受命再新改制創歷十有三祀詔沙門一行上本軒項夏殷周魯五王一侯之遺式下集太初至於麟德二十三家之衆義比其異同課其疎密或前疑而後定或始會而終乖振古未探之象必發揮於神筭大鈞

不測之氣盡覲縷於天聰迺更審晷度之短長覆星間
之廣狹繩九道之眇眇糾五精之進退參大衍天地之
數綜八卦六爻之序一轍于文王也覈春秋交蝕之辰
研九疇五紀之奧同文于孔子也杼軸萬象優柔四載
奏朝竟一書夕落臣說奉詔金門成書冊府先有理歷
陳景善筭起昇首尾參元之言接承轉籌之意因而緝
含編次勒成一部名曰開元大衍歷經七章一卷長執
歷一卷古今歷書二十四卷略例奏章一卷凡五十二

卷所以貫三才周萬物窮數術先鬼神稱著曰者即聖人顧訪之旨標謹按者是厯家進對之詞非軒后至聖不啟履端之業非容成詣極不就歸餘之徑據其圖也七政之天心不遠守其術也千歲之日月可知蓋中黃之寶符太紫之神器者也謹以十六年五月端午赤光照室之夜皇雄成紀之辰當一元之出符獻萬壽之新厯伏望藏之書殿錄於紀言掌之太史頒于日厯制曰可

唐昭容上官氏文集序

臣聞七聲無主律呂綜其和五綵無章黼黻交其麗是
知氣有壹鬱非巧辭莫之通形有萬變非工文莫之寫
先王以是經天地究人神開寂寞鑑幽昧文之辭義大
矣哉上官昭容者故中書侍郎儀之孫也明淑挺生才
華絕代敏識聰聽探微鏡理開卷海納宛若前聞搖筆
雲飛咸同宿構初沛國夫人之方娠也夢巨人俾之大
秤曰以是秤量天下及昭容既生彌月夫人弄之曰秤

量天下豈在子手孩遂啞啞應之曰是生而能言蓋為靈也越在襁褓入於掖廷天實啟之故毀家而資國運將興也故成德而受任自則天久視之後中宗景隆之際十數年間六合清謐內峻圖書之府外闢脩文之館搜英獵俊野無遺才右職以精學為先大臣以無文為耻每務遊宮觀行幸河山白雲起而帝歌翠華飛而臣賦雅頌之盛與三代同風豈惟聖后之好文亦云奧主之協贊者也古者有女史記功書過復有女尚書決事

宮閤昭容兩朝專美一日萬幾顧問不遺應接如響雖
漢稱班媛晉譽左嬪文章之道不殊輔佐之功則異迹
秘九天之上身沒重泉之下嘉猷令範代罕得聞庶幾
後學嗚呼何仰然則大君據四海之圖懸百靈之命喜
則九圍挾纘怒則千里流血靜則黔黎乂安動則蒼旻
罷敕入耳之語諒其難乎貴而勢大者疑賤而禮絕者
隔近而言輕者忽遠而意忠者忤惟窈窕柔曼誘掖善
心忘味九德之衢傾情六藝之圃故登崑巡海之意

寢翦胡刈越之威息璿臺珍服之態消從禽嗜酒之端
廢獨使溫柔之教漸於生人風雅之聲流于來葉非夫
玄黃毓粹貞明助思衆妙扶識羣靈挾志誕異人之寶
授興王之瑞其孰能臻斯懿乎鎮國太平公主道高帝
妹才重天人昔嘗共遊東辟同宴北渚倏來忽往物在
人亡憫雕琯之殘言悲素扇之空篋上聞天子求椒掖
之故事有命史臣叙蘭臺之新集凡若干卷列之如左

孔補闕集序

唐會稽孔季詡

集作詡

字季和識真之士也弱冠制舉授

校書郎轉國子主簿年三十一卒于左補闕祖紹安中

書舍人考楨絳州刺史季和清規素業有奕代之訓依

仁游藝其聖者之後永昌之始接跡

集作踐

書坊有廣漢

陳子昂鉅鹿魏知古高陽許望信都杜澄昌樂谷倚廣

陵馬懷素東萊王無兢河南元希聲臨淄李伯魚譙國

桓彥範僉謂季和神清韻遠析理探微衛叔寶之比也

嗚呼人斯云亡世閱多故十年之外零落將盡而後來

欽定四庫全書

張燕公集
卷十六

五

集作死

者皆首華金步鳴玉負璽丹地揮翰紫宸何嘗不

拜職之日歎在劉王喬臨壇之時恨無謝益壽者矣頃

見許州之子風裁可觀潘子之門有尼夏侯之學傳達

集作者五卷以示予稱從弟四人皆良器愴相如之遺

草幸公業之不亡自

集作因

叙曩意存之篇首云爾

洛州張司馬集序

夫言者志之所之文者物之相雜然則心不可蘊故發
揮以形容辭不可陋故錯綜以潤色萬象

集作萬物

鼓舞入

有名之地五音繁雜

集作會

出無聲之境非窮神體妙其

孰能與乎洛州司馬張公名希元中山人也族高辰象

氣壯河山神作銅鈎天開金印孝友內植禮樂外滋勵

行閨庭鄉人謂之曾子飛名都邑諸儒號曰聖童下帷

覃思穿牀

集作墻

嗜古蓬山芸觀之書羣玉懸金之記魯

宮藏篆汲冢遺編無不日覽萬言暗識三籟博學吞九

流之要處盈若虛雄辯敵四海之風退藏于密漢王問

策知帝者之師楚子聞名實諸侯之選故得雄飛白簡

鷹揚丹筆卷檐帷於天郡設鈎距於皇州

集作都

若乃抗

埋輪之章執驚馬之議旌賢有通德之教疾惡存署背

之文繼軌前途遇物成興理開刑政咸歸故事之臺義

涉箴規盡入名臣之奏加以許與氣類交遊豪傑仕邁

夷險身更否泰昔嘗攝戎幽易謫居邛雋亭臯漫漫興

去國之悲旗鼓洶洶助從軍之樂時復江鷺遷樹

集作谷

隴鷹出雲夢上京之臺沼想故山之風月發言而宮商

應搥筆而綺繡飛逸勢標起

集作孤標

寄

集作奇

情新拔靈仙

變化星漢昭回感激精微混韶武於金奏天然壯麗粹

雲霞於玉樓當代名流翕然宗

集作宗

尚自大夫之頌成

室太史之賦金都魏則十龍儒雅晉則三陽

張載字孟陽弟協字

景陽亢字季陽並有才藻藻綴英華誤作揚

藻綴朝分南北運迄周隋文人

才子重世間出豈止周流

集作枹槁

體物陳琳得以示人鷦

鷦寄辭阮籍稱其王佐故以開國籍鱗次乎史傳之首

入文場羽儀乎天下之半公增繁榮華桂林之一枝彌

廣源流

集作派非

荆江之九派宗門多士斯為盛與且如承家

舊德之基賓王厯官之序玉琯銅渾之數黃公玄女之

符

英華作冠

落猿殪咒

英華作犬非

之巧飲鵲迴鸞之妙詳諸列

傳可略言焉某室過蘭芬族聯棣萼荷千里之嘉獎接

四友之良遊謹撰令引式題前集七子賦詩期取類於

鄭志一家垂範庶齊衡于孔藁來日新文

集作倭

請諸君

子起儀鳳之後景龍以

集作之

前凡若干卷列之如目

李春下旬詔宴薛王山池序

有生之性萬殊無方之盛一節陽和而動植暢春滿而

臯壤悅后皇所以發時令布新慶二南邁周召之風百
辟留金石之詠者也碧流日暖南山雪殘首獻之浹辰
暮春之提日帝京形勝借上林而入遊戚里池臺就脩
竹而開宴泉賙御府味給天池仙倡宥樂中貴督酒太
平佳事前史未書大矣哉一德日新九功惟叙運璿樞
而均四氣握金鏡而靜萬方堯舜湯文不違顏于咫尺
夔龍伊呂共接手於朝廷不可見而見焉不可聞而聞
焉豈深思勝殘去殺累百年之至仁推歷按圖啟千齡

之昌運河清難得人代幾何擊壤之歡良有以也此則
青門上路朱郎平臺城煙屢起而泊山野風時來而過
水春將恨別愛落花之洒途夏如欣會玩峯雲之映沼
爾其列筵授几分曹設幕艇送江鳧船迎海鶴魚龍九
劒曼延揮霍鸞鳳簫鼓朋鳴輩作申錫開於百甕慈心
出於三爵炮炙熏林塘醪醴厭丘壑拚急管於無筭醉
湛恩以取樂羣公賦詩俾僕題序長卿消渴覺含毫之
轉遲子雲壯夫見雕蟲之都廢敢憚鄙詞之納瀝恐貽

盛集之蕪穢云爾

先天酺宴序

先天初

集作元

祀孟冬十月東都留守韋公寅奉聖朝述

宴

集作宣

嘉旨乃合洛京之五省招河尹之二縣將吏咸

集佩璋

集作章

有序鏘鏘濟濟侶侶閭閻供張於興教之

門式酺宴也原夫樂生于心非因結風之奏和達于氣

無待陽春之節蓋澤之所及者

集作也

深則情之所感者

遠國家天地一統君臣百年朝榮舊德之緒野服先疇

之業元化漸漬洪恩既久太上功成

德集作

不宰夏后命

子之初皇帝孝理無為漢祖事親之日先堯舜之天屬

見文武之同時前古未聞斯人何幸是日六樂振作萬

舞苒弱

英華作
彼同非

鳥獸徘徊士女踴躍則知衆庶觀聽之

所樂也旨酒絡繹大庖燔炙芳溢風煙醉流阡陌則

集作

又知衣冠酣暢之所適也由近而視遠萬國之慶皆然

自明而察幽三靈之歡

一作欣

可接若夫吟咏德澤播越

仁聲斯固雅頌之餘風

集作波

政教之遺美顧我詞客安可

集作
闕如賦詩展事垂列于後

南省就寶尚書山池

集作亭

尋花柳宴序

尋花柳者上賜羣臣之宴也大哉春氣同夫聖心無物
不榮有情咸說

集作達

況乃五教敷洽萬邦懷和尉候驚

而莫犯刑法存而不用歷觀近古此遇良難諸公入金

門侍瑤殿窈窕雲閣蕤華館

集作絃

不亦泰乎然王事

靡盬夙夜在公接良會於愷懌

集作澤

散煩襟於清曠不

亦優

集作佳

乎爾其嘉賓遠集勝賞斯備召絲竹於伶官

借池亭於貴里雕俎在席金羈駐

集作臨

門遠山片雲隔

層城而助興繁鶯芳樹遶高臺而共樂旨酒未缺方塘
半陰盍陳既醉之詩以永太平之日

鄴公園池餞韋侍郎神都留守序

夫良才出乎休運大任歸于令德四海既安乃注意於
賢相兩都分正實具瞻於師尹鸞臺侍郎兼左庶子韋
公國之楨幹人之表儀矜嚴有叔子之容持重得揚公
之望門

集作閨

通禁省當朝稱累代之名管綜諸聞帖職

盡一時之美頃以五星東聚八月西巡武王既入于鎬

京君臣當往於洛邑者

集無者字

中日晷之盈縮均天宇之

會同清廟明堂政理之本也教倉武庫兵食之原也機務所總半天下之軍國聽頌日繁連降隅之郡縣因有密而處遠事有疎而授親腹心遐寄惟賢是屬歲臨單闕月在長贏同蕭何之居守當陰識之留鎮北闕拜辭西堂宴餞大君垂藻承月露之光榮元良賜服被星海之耀潤執事以同列之好載壺酒而送行鄴公以彌甥

之禮掃郊園

集有而字

留別此地有離州別嶼竹館荷亭曲

沼環合而連注叢山相望而間起幽隱長寂蕭條遠風

通終南之雲氣下昆明之水鳥爾其駐馬青林肆遙碧

岸清管四發坐客增悲高臺一望游人忘返韋公方祇

率嘉命保釐成周樹之風聲流我王澤然而臨觴不樂

首路遲遲瑣闥夕拜戀未央之宮闕錦服畫遊懷杜林

之桑梓層城日下高蓋雲飛天子賦詩已載寵行之史

羣公咸集須傳出宿之文凡若干首合成一卷陸生何

幸暫游朝宰之間商也悲然輕述國風之序云爾

送工部尚書弟赴定州詩序

宵旰天子送冬卿之詩也河朔愆歲恒陽俟

英華作牧候非

借威六官尊俗千里俾乎列城遷仰上之化隣境蒙波
及之澤不然者豈爾郡而勞大賢哉尚書河東侯朝廷
之舊宰也操法度于掌握運陶鈞於方寸是將敷皇惠
寒谷挾纊而知暄暢君恩疲人飲德而自飽蘇其槁瘁
樂我陽和元宗殿國亦望於此于時春帶餘寒野銜殘

雪太官重味御酒百壺供帳臨岐假絲竹以留宴傾城
出餞會文章以寵行三台厚常察之意八座深聯事之
矚既而離人遽起班馬爭嘶尋太行之遠山想邯鄲之
長陌雖仰瞻鴻雁來往易於前期而相對桑榆遲暮難
于遠別送歸之地歡恨集作帳如何應制華篇凡若干首
騫翔鸞鳳欲挂千金之木糾合虬集作蛟龍附藏羣玉之
府置之懷袖以慰遐心云爾

送毛明府詩序

昔之謂良宰者講道議行訓俗式人出自郎官遷金郡

守不以才限流品位遷寵賄

集作賂

聖歷之際任賢稽古

毛明府執德不回發言無擇雍容文雅罷曲池

集作江

之

曳裾樽酒絃歌即平鄉之製錦甲朝辭洛宴別嘉賓孟

夏涉河路踐芳草眷彼燕趙頃罹戎羯金草毒三北之

師杼軸醜二東之賦毛公將勝苛居簡止濁除濫

集作徐清

不下堂而為理有入境而先歎朋知坐間弦望何時益

賦金谷之詩遠送邯鄲之陌愛而不見同夫樹萱

會諸友詩序

谷子者昔與說聯務蓬山出入三載事志相得情深友

于尋屬吾人秩

集作秋

遷迫吏畿劇愛而不見春也再

集作

載華今說復謝書坊補他職窮猿之意不

集作無

擇儒林

喜且把袂舊筵解帶餘日卧玩文墨笑談平生茲歡豈
多後面方永沈沈春雨人亦淹流

張燕公集卷十六

欽定四庫全書

張燕公集卷十七

唐 張說 撰

啟書 露布

上東宮請講學

臣某等啟臣聞安國家定社稷者武功也經天地緯禮俗者文教也社稷定矣固寧輯于人和禮俗興焉在刊正于儒範順考古道率由舊章故周文王之為太子也

崇禮不倦魏文帝之在青宮也好古無怠博覽史籍激揚令聞取高前代垂名不朽伏惟皇太子殿下英睿天縱聖敬日躋神筭密發雄威立斷廓清氛祲用寧國家兆人由是歸法六合所以推功主鬯青宮固本也分務紫極觀政也副羣生之望作累聖之儲殿下之於天下可謂不輕矣監國理人可謂至重矣莫不拭目而視清耳而聽冀聞異政以裨聖道臣愚伏願崇太學簡明師重道尊儒以養天下之士今禮經殘缺學校陵遲歷代

經史率多紕繆實殿下闡揚之日刊定之秋伏願博採
文士旌求碩學表正九經刊考三史則聖賢遺範粲然
可觀況殿下至性神聰留情國體幸以問安之暇應務
之餘引進文儒詳觀文典商畧前載討論得失降溫言
開讜議則政途理體日以增益繼業承祧永垂德美臣
等行業素輕藝能寡薄顧慙端士叨侍宮闈日夜祇懼
無以匡輔區區微誠願效塵露輕進芻鄙庶垂採擇臨
啟如失伏用兢惶謹啟

與執政書

說拙于慎身往年遷流嶺外亡親愁懼痼疾增加比蒙
生還曾未數歲家口在洛身徒入京及丁凶苦不獲侍
側比于他人情實不等在禮君親同貫事君無負事親
有負不能殺身以自咎責乞過祥禪報國非遲三度表
請不蒙矜遂當是文墨不盡一作宣苦心投之執事乞為
一言聞達不敢守禮抗請直是私情乞一作先恩若以此
情可矜猶冀聖人萬一哀憫若將遣越甘心待罪謹狀

與鄭駙馬書

晚尋莊周書以天地為國道德為身老室之戶牖孔門
之振闢足可反覆孝慈胎育仁義而晉朝賢士乃祖尚
浮虛弛廢禮樂其所遺失將詣真宗不愈遠也老稱歸
根曰靜復命知常復命近于無有知常其有知見邪斯
故反照耳非云窮神知化德之盛者神不可窮而窮之
是神合於我化不可知而知之是化為我用唯此二義
繫莊生亦未始盡言焉非滎陽之深於道者孰為輕導

茲意也

為河南郡王武懿宗

集作為神兵道

平冀州賊契丹等

露布

按新唐書神功元年武懿宗為神兵大總管討契丹一本作建安郡王武攸宜

作

大總管右金吾衛大將軍兼檢校洛州長史河內郡王
臣某前軍總管行左衛翊府中郎將上柱國定陽郡開
國公臣楊元基行軍長史朝奉大夫守給事中護軍臣
唐奉一行軍司馬通議大夫行天官郎中臣鄭果等言

臣聞氛祲薄霄戎狄謀夏則武庫兵動中國有弧矢之

威文昌將飛邊城用金草之事蓋以式遏姦暴大庇黎

人震蠻蕩夷明罰耀武者也伏惟天策金輪聖神皇帝

陛下仁覆有截化被無外皇圖未臣之黨先帝

集作帝載

不

庭之俗罔不依被聲教浸潤邕

集作雍

熙望雲向風密邇

遐裔而契丹兇醜奴隸餘

集作根

苗非冒

集作蹟

頽之雄族

異單于之貴種徒以錯居遠郡漸化平時田牧混于四

毗貿遷通于三市

集作賈

戍人

集作戰士

解甲邊馬垂轡禽獸

飽而忘恩蜂蠆養而恣

集作
成

毒敗孤亭育自絕生成乃

狼心干紀鴟張竊發雲我邊吏覆我鎮軍大棘殘於夷

落孤竹藏于荒虛

集作
微

陛下震赫斯之怒援決勝之符

天地合謀鬼神助順六狄舉國百蠻整衆運撓槍而掃

除從裂

集作
列

缺而焚蕩臣飲冰受斧指日揚麾雖謝河

間之樂竊慕任城之勇誓將首冒鋒刃躬先士卒上假

神兵之威下定鬼方之罪凶醜狂悖素無大志因乘便

利扇動姦回

集作
邪

去歲嘗師疑一軍之盡化今春輕敵

見三帥之不歸蟻聚空繁豺牙益厲結三戎以四

集作西

寇連島夷而深入臣乃廣開形勢大振軍聲

集作聲威

移告

郡邑金湯固守傳檄諸軍犄角相應清邊道大總管建

安郡王攸宜杖鉞薊門作鎮幽

集作燕

國當要害之地挫

虎狼之羣高壘深溝卧舊營而不動山蛇雲鳥陣死地

而無疑總管沙叱忠義王伯禮安道買等兵臨易水使

接桑河犀渠衝將士之冠雕騎落將軍之戰四面當敵

九拒垂城御史大夫婁師德總管高再牟薛師行扞敵

中山折衝外侮訓厲鷹揚之士輯穆震驚之師其餘部
散校分離網別緒兵車星布巡太行而綴碣石介馬雲
羅挾衡漳而連海浦山川積雨盡消胡騎之塵草木長
風咸有王師之氣清邊士馬稍南驅而擁蹙神兵甲卒
漸北逐以威臨但合圍而持重未輕挑而即戰重以藩
臣默啜統率氍毹裴控弦逾于萬騎帶甲彌于千里長驅
松漠掩集柳城巢穴是空胎卵皆覆于時賊衆兵馬屯
逼幽州聞其塞外之敗懼有舟中之敵勢力外窘心腹

內乖建安郡王攸宜蓄水淵停乘機電發援桴作氣則
山岳動搖書箭一飛則苜渠相滅兵纔接刃元亮授首
春喉蔽野京觀起於中州積甲成山組練収于外府雖
本根斯拔已蕩滌于一隅而餘蔓所滋尚聯延于數刻
師何阿小等頑亮暴極奢侈為資授其署置肆行驅掠
幽陵之下不知首惡之已擒兩河之間仍謂遊魂之可
恃士女遭其逼脇軍城被其屠陷以殺戮為事戶積虔
劉之悲以刼奪為心家盈剝割之痛鹿城縣令李懷璧

欽定四庫全書

卷十七

六

衣冠貴胄令長崇班背我朝恩歸城狄寇潛脩甲杖輸
以利器之資見委兵權當其上將之任蠢茲狂亂暫同
燎火言事剪除方申沃雪臣乃盛兵邢趙塞井陘之隘
命虎賁之將遏其衝突之鋒長史唐奉一馳使洛魏據
阿曹之津縱羽林挫其侵軼之勢臣又遣將軍總管忠
武將軍行左衛翊府中郎將上柱國定陽郡開國公楊
元基押飛騎營中郎將李鐸子總管雲麾將軍行玉鈴
衛翊府中郎將康國公阿史那毗伽子總管冠軍大將

軍行左玉鈐衛翊府中郎將宋拔延子總管冠軍大將
軍行左金吾衛翊府郎將迴鶻果別勅行人雲康戡誕
子總管定遠將軍左威衛長李當義壯武將軍何義本
子總管忠武將軍何利深子總管忠武將軍俱羅廬淮
宣威將軍行左玉鈐衛翊府郎將蘇達侯斤度施子總
管定王府典軍成善威子總管押飛騎定遠將軍平原
府左果毅長上穆仙童子總管劉尚珪子總管渭川府
左果毅鹿思讓押飛騎左玉鈐衛隊正長上賈楚珪左

鷹揚衛長上花匡鼎押飛騎李言忠押飛騎沮忠楊鎮
副張元敬押飛騎康景休押飛騎左監門衛司戈實九
準別奏右武衛長上楊仁爽左武衛威長上楊裔原州
崇岡鎮副康戍子右監門衛長上傳阿毛左監門衛長
史殷承範右衛長上王仁獎右衛執戟嚴弘琰右金吾
衛羅元讓潭州花石戍王蘇元暉前右武威衛長鄭嘉
祥左衛司戈鄭彥湊媯州威寧戍主崔思暕押步兵子
總管左玉鈴衛長上張中儼別奏首領蘇農婆羅三品

子首領宗義本別奏游擊將軍左玉鈐衛宿衛哥咄施
注比別奏鄭思疾左衛潞州府果毅員外置同正阿史
皎子總管王城府檢校果毅任弘誓別奏檢校虞候任
處寂別奏裴光嗣等徇其東北又遣子總管游擊將軍
玉鈐左司階伏羌縣開國男李宏顏子總管邢州司戶
叅軍飛鳥縣開國男常元楷子總管原州廣牧領將軍
元寂子總管右武衛員外置同正武元禮子總管前潞
州叅軍武其別勅行人張景扶州刺史舊鎮副崔敬一


右武衛中郎將阿史德奉職右鷹威衛將軍業恤斃刺
侯斤右豹衛柔遠府長史上果毅吐火羅決斯右金吾
衛果毅執失守直右鷹揚郎將員外置同正阿所那左
玉鈴衛長上借緋金元濟東天竺國王子僧伽杖摩右
鷹揚衛郎將僕固郡骨支左金吾衛郎將阿康地具右
武衛威郎將東河察使左豹韜衛高城府長上果毅阿
史德伏魔支右玉鈴衛郎將路驢駒左金吾衛長上阿
史德伏魔支右玉鈴衛郎將路欲谷游擊將軍葛羅枝

延游擊將軍契苾木昆折衝都尉車鼻施俟斤虔州猶
德軍鉞副白善德晉州仁壽府果毅侯義威子總管左
武威衛侯神城府果毅杜元隱押後隊長上張德峻天
官常選王曷常彥律押千騎三交戍董元景河州安喬
戍主王才龕別奏康元寂押千騎隊楊待封前冀州堂
陽縣丞溫待禮別勅行人白君詥等略其西南或折衝
其前或乘躡其後整貔貅之佐奮猛毅之倫長戟林迴
高旗雲繞賊黨晷窮漏急命窄途殫執無全支心投必

死之計以今月一日何阿小等帥不悛之旅擁脇從之衆結聚數萬抗拒官軍自寅及午前後九陣元基等並鋒鏑爭先戈鋌遞躍抗足而跣鮮卑之血塗地攘臂而扔烏丸之首積野摧同冰陷裂若山焚窮其子遺無復噍類斬獲逆賊冀州三品大總管何阿小逆賊河北道招慰大使冀州刺史馬行感逆賊冀州道副大總管楊奉節逆賊冀州長史王宏胤逆賊總管劉伏念逆賊十二衛大將軍見任鹿城縣令李懷璧逆賊信都縣令楊

志寂總管胡六郎逆賊總管王知先逆賊帥馬明誓逆
賊三品總管姬目等魁首巨蠹三百餘人所有戎羯憑
陵殘毀之處臣皆宣布制旨撫集其人咸懷聖恩俱得
復業羣克既定冀方砥平二載逋誅一朝泯滅數州愁
毒俄然清弭舞溢河冀歌達塞垣截風浪以息滄冥廓
氛埃而覩白日卻穀何力敢推羣帥之勞叔向有言實
在明君之德臣憑藉睿略忝當戎政神機密運不待橫
草之功天贊冥符恭承破竹之勢伏惟廟勝速奉朝歡

忭躍之情倍萬恒品不勝慶快之至謹追謙人天官常
選李佑別奉左衛長上校尉張德俊奉露布以聞其軍
資器械別簿條上謹言



張燕公集卷十七

欽定四庫全書

集部

張燕公集卷十八

詳校官侍郎

臣謝墉

檢討臣何思鈞覆勘

總校官編修

臣王燕緒

校對官編修

臣嚴福

謄錄監生

臣吳貽棟

欽定四庫全書

張燕公集卷十八

唐 張說 撰

碑文

后土神祠碑銘

古之王者皆受天命禮樂有權神祇是主郊兆所設雖
定於厥居精靈所感則通乎變化大匠歸正旁行不流
惟創制者為能之亦安在守文而已睢上祠者本魏地

鄧丘之舊而漢家后土之宮汾水合河梁山對麓地形
堆阜天然詭異隆崛岉而特起忽盤紆而斗絕景象相
傳盱眙如在有物不可以終否有典不可以遂廢故推
而行之歲在癸亥始有事於茲焉在昔后王時邁省方
柴燎告至幽隱胥洎大舜則五載一巡武帝則三歲一
祭今時代丕變神人禮煩朕就為損益折以法度一紀
再駕亦無闕焉二十年冬勒兵逾萬騎旌旗亘千里校
獵上黨至于太原赫威戎于朔陲沛展義于南夏肆覲

羣后道有以大備懷柔百神文無咸秩先是有司宿設
恪敬乃事已未師頓於齋宮庚申親祀于后祇聖考在
天侑而作主何禮不舉靡神不徧徃者漢氏之祠也牲
以養牛五歲纁粟無所責其誠籍以采席六重藁秸不
得尚其質事與古反義不經見朕因其地而不因其儀
取其得而不取其失凡牲幣法物之事歌舞接神之類
咨故實于方澤不遂過于元鼎此皆公卿大夫鴻生鉅
儒獻其方聞匡於不逮朕何有也且王者事天明事地

察示其本教以孝奈何郊丘之禮猶獨以祈穀為名者
耶於戲享于至誠錫以繁祉黃雲蓋於神鼎絳光燭于
靈臺自昔已然乃今復見斯固陰精有所寓寶氣為不
誣雖寂寥而不動亦動之而斯應顧朕之不德靈感何
從賴累聖儲祉福流所致乃青災肆赦與物更始大賚
天下有慶兆人山川鬼神鳥獸魚鼈莫不允若莫不咸
寧此所以仰覆載報生殖資元元盡翼翼豈與夫封禪
有牒專在求仙秘祝有辭密于移過而已銘曰

至哉坤元萬物資生王者母事德合天明父有大報用
協永貞茫茫九土思索其精因天事天因地事地彼汾
之曲高睢傑異景象遺光壇場舊位寂寥千祀精靈長
閔誣神不祥復古維祺文所無者秩而祭之矧曰后土
昔載明祀何必因陰乃為我師意多漢武跡在橫汾風
流可接簫鼓如聞壽宮創制神鼎勒勲古往今來豈無
斯文

西嶽太華山碑銘

天有四序星辰辨其分地有五方山岳鎮其域陰陽交暢則品物形矣精氣相射則神祇著矣西嶽太華山者當少陰用事萬物生華故曰華山踞中土西偏當七宮正位是稱西嶽披圖以察削成而四方信焉立表以算其高五千仞明焉石壁磔堅而雄竦衆山奔走而傾附其氣肅其勢威其行配金其辰直酉前對華陽之國後壓華陰之郡左抱桃林之塞右產藍田之玉諒少皞之下都即蓐收之別館也軒帝遊焉以會衆神虞舜樂焉

以觀羣后爰自夏氏以迄于隋室朝廷五姓載歷三千
祀典相因舊章未改壇場廟宇何代不修一禱三祠無
歲而缺所以報生殖事神靈不有怠也故亦祥休明災
淫慝未嘗爽也皇天眷佑馨我烈祖奄有萬方逮乎六
葉郊天地望山川精氣畢達隆典成甄亦命州將四時
告虔加視王秩進號金天若是何者抑有由焉予小子
之生也歲景戌月仲秋膺少昊之盛德協太華之本命
故常寤寐靈嶽肝蠱神交玉帛未陳幽贊必先意而啟

椒醕雖薄景福果應期而集玄感昭賽可三而道邪記
云下有方士真人金鼎石室上有明星玉女仙草瑤池
茅龍一去毛女千祀前代帝王多所僥覲朕學犧文之
道故非斯人之徒憂在至道之不宏不憂富貴之無永
患在蒼生之不理不患年壽之若流以功施四海為長
生以業傳百代為不死焉羨置集靈之宮虛望非福立
存仙之殿勞思輕學者哉於戲維予思其維嶽降神生
此多士無俾申甫專美于高語酌古訓心通神境善而

不答誠而不應未之有也嶽其念哉十有一載孟冬之
月步自京邑幸於洛師停鑾廟下清眺仙掌雲拂石牀
霓裳可接風過松嶺仙駕如聞久勤報德之願未暇封
崇之禮遲迴刻石梗概銘山萬姓瞻予言可復也銘曰
巉巉太華柱天直上青崖白谷仰見靈掌雄峯峻削齒
莖森爽是曰靈爽衆山之長白帝西下黃河北來陰陽
孕育精氣徘徊偶聖呈瑞逢昏降災玉池神挹石室仙
開海絕瀛洲天遙玄圃偉哉此鎮崢嶸中土鬼神乍遊



風雲忽聚高標赫日半壁飛雨自古王者巡方必至龍
駕帝服封天禪地南面會神西后在位待予治國安人
然後徐思其事

唐陳州龍興寺碑

觀夫廣大無相者虛空也四輪倚之而住精微無體者
佛性也萬法因之以生聖人有以見三界成壞皆有為
殺故剖之以戒甯聖人有以見六趣輪迴是無明網故
決之以定力爍寶光之慧炬而沛善利之慈舟返迷路

率於中道倚橫流登於彼岸以言乎真實之要總攝一
乘以言乎天地之間曲成萬物大矣哉道心包舉等太
虛而無際法教流通彌曠劫而常在則有乘如來方便
出應化門用大士因緣處帝王位俾庶類咸若謂之光
宅天下令衆生修善名為莊嚴佛國寵興寺者皇帝即
位之歲溥天之所置也唐祚中微周德更盛歷載十六
姦臣擅命伯明氏有盜國之心一闡提有害聖之迹皇
上操北斗起東朝排閭闔運扶搖張目而叱之殷乎若

震雷發地歛號翕響以克彼二凶赫然若太陽昇天晞
照仰象以復我萬邦返元后傳國之璽受光武登壇之
玉尊祖繼宗郊天祀地之禮既洎修舊布新改物班瑞
之典又備乃考出世之法鼓大雄之事入無功用之品
住不思議之力一光所燭庶兆為之清涼一音所宣大
千為之振動雲蒸風靡不崇朝而壞衣涌塔徧天下矣
陳州者上古太皞之墟近代淮陽之地置守則列為郡
封王則建為國本其風俗豪侈靡麗舊矣翻東門之下

接袂成帷觴宛丘之上炫服成市信豫章之郊一都會也刺史南陽韓府君名琦其為邦也勝殘去殺聖主之得賢臣別駕彭城郡王名隆業其從政也能肅而恭高陽之有才子長史南陽張齊賢儒林之選也司馬河南雲盈公族之良也士曹從事八人錄事叅軍于璆為稱首六屬官人二十五人宛丘縣令崔修已為稱首或以藝榮或以門進高車一轍美利同人禮舉刑清於是乎在因邦甸積稔之蓄偶日月再旦之初欽若王言建立靈

寺上畧其趾下務其終百工不勸而亟庶役不徵而會
經始如雲成之不日夫其帶四郭五衢之陌踞重墉闌
闔之端福地砥平長垣雲矗高門有闕大厦斯飛連廊
曲閣交軒對雷木磨而不雕土塗而不飾壯無僭侈以
約費為功儉無偏陋以淨居為寶法王宮殿近寶花之
域菩薩伽藍住金燈之地亦猶是也上座處玄寺主真
度維那守慎等戒珠如月獨潔麒麟之行法寶如山普
聞獅子之吼克諧善衆底定神居甘露飽而盈滿天香

醉而圍繞于時陳項之老衲衣而博帶皤皤然相造而
誦曰久矣吾黨之惑也倥侗顛蒙情嗜橫放恚愛我業
聰明不開日有忘其生生月無覺其滅滅一息之漏可
勝言哉而今舉足至於道場申臂及於淨土晝則目禪
誦之事夜則耳鍾梵之音何悞是生晚臻斯樂豈不思
天子至仁乎惻下人之昏墊邁上聖之昭軌假有相之
途詣無生之理灑冥澤於已滅蒂玄根於未始百靈之
所依歸萬字之所欣喜非獨陳而已矣蓋神闢天聖開

地世之祖也纂帝寶基皇統孝之主也殄僞狂破魔孽
威無外也廣正典紹度門德無大也通幽洞明兼羸該
精滂洋而行混濩厥成一收功而四善舉一推心而羣
願立咨如是則龍興之化曷有量哉夫業可大而蕪沒
焉不貽於後事可尊而苞蘊焉不迷於世臣子之罪也
敢請圖之然言語之不到者心識心識之不到者真如
二乘聞之而不見十地見之而未了而我云何能知能
說竊比六時之鳥七寶之樹是出乎和雅音聲是讚乎

微妙功德記其在處長者之金園銘其事因育王之石柱其詞曰

聖皇在上於昭于天唐雖舊邦其命維新龍興返政滅三暴臣少康非儼於舜為隣皇王烝哉其一於廓玄教生

人戶牖神化洒心小大稽首掌擎萬域潛移仁壽三代

之前蓋未曾有最上乘哉

其二

泱泱陳服韓侯道之奕奕

寶坊邦人造之天龍護持賢聖熙熙受福維祺帝心則

怡正理興哉

其三

唐玉泉寺大通禪師碑

撰夫總四大者成乎身矣立萬始者主乎心矣身是虛
哉即身見空始同妙用心非實也觀心若幻乃等真如
名數入焉妙言乖言說出焉真宗隱故如來有意傳要
道力持至德萬劫而遙付法印一念而頓授佛身誰其
弘之實大通禪師其人也禪師尊稱大通諱神秀本姓
李陳留尉氏人也心洞九漏懸解先覺身長八尺秀眉
大耳應王伯之象合聖賢之度少為諸生遊問江表老

莊玄旨書易大義三乘經綸四分律儀說通訓詁音叅
吳晉爛乎如襲孔翠玲然如振金玉既而獨鑒潛發多
聞旁施逮知天命之年自拔人間之世企聞蘄州有忍
禪師禪門之法胤也自菩提達磨天竺東來以法傳惠
可惠可傳孫璨僧璨傳道信道信傳弘忍繼明重跡相
承五光乃不遠遐阻翻飛謁詣虛受與沃心懸會高悟
與真乘同轍繡指忘識湛見本心住寂滅境行無是處
有師而成即燃燈佛所無依而說是空王法門服勤六

年不捨晝夜大師嘆曰東山之法盡在秀矣命之洗足引之並坐於是涕辭而去退藏于密儀鳳中始隸玉泉名在僧錄寺東七里地坦山雄目之曰此正楞伽孤峯度門蘭若蔭松藉草吾將老焉雲從龍風從虎大道出賢人觀岐陽之地就去成都華陰之山學來如市未云多也後進得以拂三有超四禪昇堂七十味道三千不是過也爾其開法大略則惠念以息想極力以攝心其入也品均凡聖其到也行無前後趣定之前萬緣盡閉

發慧之後一切皆如特奉楞伽遞為心要過此以往未
之或知久視年中禪師春秋高矣詔請而來趺坐觀君
肩輿上殿屈萬乘而稽首洒九重而宴居傳聖道者不
北面有盛德者無臣禮遂推為兩京法主三帝國師仰
佛日之再中慶優曇之一現混處都邑婉其秘旨每帝
王分座后妃臨席鵷鷺四匝龍象三繞時熾炭待殯故
對默而心降時診飢投味故告約而義領一雨溥霑於
衆緣萬籟各吹于本分非夫安住無畏應變無方者孰

能至爾乎聖敬日崇朝恩代積當陽初會之所置寺曰
度門尉氏先人之宅置寺曰報恩軾問名鄉表德非擬
局厭誼輦長懷虛壑累乞還山既聽中駐久矣衰憊無
他患苦魄散神全形遺力謝神龍二年二月二十八日
夜中顧命跌坐泊如化滅禪師武德八年乙酉受具於
天宮至是年丙午復終於此寺蓋僧臘八十矣生於隋
末百有餘歲未嘗自言故人莫審其數也三界火心四
部冰背榛崩梁壞雷動雨泣凡諸寶身生是金口故其

喪也如執親焉詔使弔哀侯王歸賵三月二日冊謚大通展飾終之義禮也時厥五日假安闕塞緩及葬之期懷也宸駕臨訣至午橋王公悲送至伊水羽儀陳設至山龕仲秋暨望還詔乃下帝諾先許冥遂宿心太常卿鼓吹導引城門郎護監喪葬是日天子出龍門泫金櫬登高停蹕目盡迴輿自伊及江扶道哀候幡花百輦香雲千里維十月哉生魄明即舊居後岡安神啟塔國錢嚴飾賜逾百萬巨鐘是先帝所鑄羣經是後王所錫金

榜御題華幡內造塔事尊重遠稱標絕初禪師形解東
洛相見南金白霧積晦於禪山素蓮寄生於坐樹則雙
林變色泗水逆流至人違代同符異感百日卒哭也在
龍花寺設大會八千人度二七人二祥練縞也成就西
明道場數如前會萬迴菩薩乞施後宮寶衣盈箱珍價
敵國親舉寵費侑供巡香其廣福博因存沒如此日月
逾邁榮落相推於戲法子永戀宗極痛慈舟之遽失恨
湧塔之遲開石城之嘆也不孤廬山之碑焉可作竊比

子貢之論夫子也生於天地不知天地之高厚飲於江海不知江海之廣深強名無迹以慰其心銘曰

額珠內應匪指莫效心鏡外塵匪磨莫照海藏安靜風
識牽樂不入度門孰探法要倬哉禪伯獨立天下功收
密詣解却名假詣無所得解亦都捨月影空如現於悟
者無量善衆為父為師露清熱惱光射昏疑冀將住世
萬壽無期奈何過隙一朝去之嗟我門人憂心斷續進
憶瞻仰退思付囑盡不離定空非滅覺念茲在茲敢告

無學

玄識閣廬墓碑

夫孝者法象乎天地感通乎鬼神故愛敬之中又有真
報哀戚之外更追冥福玄識禪師其人也厥姓桑氏其
先長樂人漢尚書洪之後曾祖梁州刺史諱千秋祖貴
鄉令韓信考文林郎名爽自前代無違德基於累仁是
生達者禪師智周萬物而理證本無願度四生而見滅
諸有以為空不離色體念子之慈業不忘緣起思親之

孝乃於萬山北陌滎陽東原葬先考文林府君先妣王氏負土成墳結廬其域置義井取施無求報鑄洪鐘取聞而悟道修古寺造尊容取觀相生信若夫信生攝攝生靜靜生定定生慧於生滅處得常住心於虛空中立一切法其定慧之門乎禪師昔宴坐介山羣虎自擾今經行宰樹四衆依德至人凝寂雖罕見全象識者餘論亦時存一隅篆美豐石寄詞短偈云爾

邈矣上德行密道高哀哀父母生我劬勞禪心護念神

足遊遨苦河雖廣曾不容舳舻甘井既涸利物無竭不增
不減不流不滯仁靜而鑒智動而悅華鍾既鏗雄雄法
聲如來如去如滅如生不有奚得不為胡成實地嚴飾
金山見耀善惡無門惟人所召境因心起理憑思照懿
哉一心混成衆妙

贈陳州刺史義陽王碑

昔高祖之起唐侯草隋命太宗之威四海正萬邦作藩
帝家用建王國二十一族堯之昭也十有一宗文之穆

也王諱琮字某文帝之孫紀王之子龍種異氣鳳毛秀
色仁義天啟德威日就學無不究故齊王之胤以爵推
恩周公之子以才分政總角封義陽王弱冠邦歸州刺
史又守檀州又撫沂州若教之舊荆人是懲單于之衝
胡馬自遠淮沂其乂拜國不空遭王運中微投於南海
書稱大法憫失土之諸侯禮不逃誅義無辜之王子某
年月日遘六道酷吏薨於桂林之野春秋五十神龍之
初興廢繼絕追贈陳州刺史王生不得志沒受遺榮信

乎才之短長不如命之豐約德之輕重不如藝之厚薄
有美季子豫州刺史行休髻髮羈孤託身炎厲貌是餘
慶巋然獨存泣血上請迎喪遠裔開元四年二月至桂
林王同氣三人徃偕遇禍殞殮無主封樹缺如歲月茫
茫盡為野草問隣母而失處訪樵童而莫識議者以為
不可復得宜招魂而葬行休拊心蒼昊誓不徒還乃掃
亭館設地席絜齋懇惻覲乎幽報遂憑夜髻像曲示其
端夢魯王乘舟舟分為兩既而適野見東洲中斷因忽

悟焉陰隱微明率此類也又靈堂鑠莖一夕自屈管上有
有三指凹迹一奇二並其旁鐵生文理布列成卦衆駭
其異使善易者張法著之曰屈者於文為尸出指者於
義為指蹤一奇二並三殯近閤若引渦山揆之可以察
先王之心矣考夢協吉定處尅辰以其月二十八日於
桂城東洲發見神柩舉體咸備而一節闕焉行休甚痛
恍若自毀裂其夜又夢王告在南洛州厥明直舊殯而
南十有九步沙洲痕下掘而得之安合如故他日北郭

之外收併二叔父焉於是乎驗著夢之有徵也子子三
旒連舳歸飛遙遙百越經途瞻嘆零桂人以為美談夫
至孝潛通精魄昭應果虛無之見推步而有必窈冥之
體尋求而致雖前誌所詳未有幽感反覆若斯之所矣
以某年月日陪葬於昭陵栢城妃汝南周氏祔焉禮也
妃考曰駙馬都尉梁郡襄公妣曰臨川大長公主宗周
玄胄大公自出左右圖史循環法度邦有好逮室先偕
老以王之故薨於掖宮初永昌之難王下河南獄妃錄

司農寺唯有芳氏扉屨布衣往來供饋徒行頽色傷動
人倫中外咨嗟目為勤孝王二子配在雋州及六道使
之用刑也長曰行遠以冠就戮次曰行芳以童當捨芳
啼號抱遠乞代兄命既不見聽固求同盡西南傷之稱
為死悌君子謂勤孝者仁之厚也死悌者友之難也感
神者誠之至也此三者有以見義陽之義方賢妃之內
訓繼體之崇德夫如是淳美上歸夫本朝盛烈延耀乎
邦族安可闕而不飾碑版無文而已哉銘曰

高丘白雲維堯大理函谷紫氣維周柱史百代福流千
齡運起富有海內貴為天子聖帝才子於穆紀王賢王
祚胤倬哉義陽慎徽九德九德有常允釐三郡三郡以
康明夷于飛丹崖之下梁木其壞桂林之野不識阡陌
無存松楸于以求之人無知者哀哀孝子眷眷靈夢語
妙常閤文微甄仲南洛占從東州億中雋安移編新棺
改贈既克返葬以祚山陵卜云其吉神心允憑人非地
是迹謝名稱青青松柏不顯不承

題贈太尉益州大都督王公神道碑

維天命帝子萬邦維坤配地母萬物以親九族后父之
屬尊以叙百官開府之班最執謙德而光重地者則祈
國公其人也公諱仁皎字鳴鶴太原祁人王子上賓天
啟靈仙之族司徒衛漢大忠義之門盛德之後仁賢繼
出曾祖景孝隋屯田侍郎祖詮歙縣男贈汾州刺史考
文洎贈右僕射續戎前烈啟迪後人公之生也膺汾霍
之禎體敦龐之度禮樂狃於代襲忠孝萌于自然克寬

欽定四庫全書

張烈公集
卷十八

克恭不激不傲鑒窮未兆而養之以蒙智周無際而處之以默故質勝於文行過於譽其隱德也三年不鳴其會時也一日千里初以翊衛調同州叅軍換晉州司兵應將帥舉授甘泉府果毅遷左衛中郎將上昇春宮后正妃壺擢將作大匠事時工練八材孔修轉太僕正卿駟訓車攻六飛如舞先天內禪引伸外戚懷柔畏滿厭劇思閒公既深辭以職事上亦優之以散秩加特進禮異羣公拜開府儀同三司策上柱國封祁國公邑戶三

千實戶三百公於是寓情宴喜簡跡朝行入告嘉猷密
而人莫窺也陰薦多士晦而人莫知也不自異於當路
每同塵於衆流常語所親曰明明天子擇賢共理瑣瑣
姻婭則無膺仕不識不知樂我而已善矣夫人臣位極
遇莫大焉王曰外舅厚莫重焉而能明道莫昧進道若
退事不事而懸解為不為而理會一以無目牛之全一
以無亢龍之悔所謂言合古行中權歟後之人慎終始
而保福祿者固將沿通波而蹈高軌也享年六十有九

開元七年四月戊寅薨於京師皇上悼焉設次大臨輟
朝累日榮之以華袞寵之以飾終追贈太尉益州大都
督賜東園秘器含襚贈錫率加常禮乃命尚書彭城劉
知柔攝大鴻臚俾之監護京兆少尹崔琬介焉申命詹
事南安侯麗承宗持節弔祭左庶子自知慎倅焉公卿
命士更弔迭唁溢巷填街為之縞素粵以十月初吉葬
昭宣公羣官執紼祖奠國門如前曾夫天作聖合必起
大邦故軒妃美于西陵周婦表於東海公藩衍之慶祚

脩二十或哲或謀或肅或乂永錫之類也如是元女祥
發望雲業叅練石內被螽斯之德外偃闕睢之化門風
之至也如彼長子惟力戴君畢心禦侮奉雷雲之會懸
日月之初庭訓之致也如此高陽有才子八族我盈其
二武王有理臣十人家出其兩稽諸舊史罕或前聞若
乃積三盛事而重之以純德篆於金石垂於億萬宜哉
其文字光華撰錄旨要則皇帝所為也詞臣奉詔作之
其銘曰

於穆祁公誕靈信厚有倬其慶天之外舅高以卑牧盈
將冲守忠焉孝乎沒而不朽人之忠孝其德不回天俾
純嘏大福時來貴踰九列榮並三台祚之玄社帝曰欽
哉祁公之德柔嘉維則令儀令色小心翼翼如何昊天
喪此邦式休問其永豐石是刻我思肥泉孝心罔極

贈太尉裴公神道碑

星辰懸象所以殷時布氣然而行不言之道者天也文
武用才所以勤官定國然而致無為之理者帝也當高

宗之休運任名世之良臣清九流而闢四海代天工而
張帝德歷選前哲豈多乎哉公諱行儉字守約河東聞
喜人也其先出乎嬴姓伯翳之後也秦則裴侯始封漢
則侍中受職魏晉之代鬱為盛門八裴方於八王聲振
海內三子尊為三祖望高士族自冀州刺史徽至公十
二代中軍將軍雙虎至公六葉代無違德不墮厥問者
已太王父伯鳳周驃騎大將軍光汾二州刺史琅琊郡
開國公大父定高大將軍馮翊郡守襲琅琊郡公諸侯

受封山河傳國天子共理循良克家考仁基隋左光祿
大夫以陰圖王充仗義舊主遭時不利玉折名揚聖唐
龍興旌泚勵節贈原州都督命謚曰忠蓋春秋之褒也
公清明本乎世德正性出乎胎教氣潤河靈貌雄岳立
仁孝之道天生而知將相之氣與年俱長以高蔭為弘
文生絕事篤學累年不舉房僕射異而問焉對曰隋室
喪亂家乏典籍館有良書探討未遍故少留耳梁公驚
曰驥子志氣凌雲當一日千里其早為通人之目也如

是明經補左屯衛倉曹詔舉轉雍州司士遷金部戶部
二員外歷都官郎中長安令明慶中與長孫太尉褚河
南論及中宮廢立國家憂患有公伯寮讚行於季氏出
為西州史又改金山副都護又拜安西大都護西域從
政七年間窮荒舉落重譯向化我之獨賢邊之多幸乾
封歲徵為同文少卿尋除司列少常伯官復舊號為吏
部侍郎加銀青光祿大夫自居銓管大設網綜辨職量
才審官序爵法著新格言成故事上元中長星出天禿

髮入塞詔公為洮州道左軍總管又為秦州鎮撫右軍
總管並受元帥周王節度雖祭公有諫耀武之士不行
而方叔帥師來威之道備矣儀鳳二年十姓可汗訶延
都支李遮訶潛搆大戎倣擾西域朝廷憑怒將行天討
公進議曰敬玄敗績於茅戎審禮免胄而入狄豈可絕
域更勦王命令波斯王亡侍子在此若命史冊立即路
由二蕃便宜取之是成禽也高祖善其計詔公以名冊
送波斯兼安撫大使公往蒞遺愛洽於人心是行也百

城故老望塵而雅拜四鎮酋渠連營而諮酒一言召募
萬騎雲集公乃解嚴以反謀託獵以訓旅誤之多方聞
其無備裹糧十日執都支於帳前破竹一呼鉗遮匍於
麾下華戎相慶立碑碎葉蓋美克雋不殺而用謀安人
以德而去害廓氛侵於地表燁皇靈於天外充國有屯
田之頌竇憲有燕山之銘詢茲遠略彼何微也遷禮部
尚書加上柱國又特恩降命兼右衛大將軍夷典秩宗
神必據我文昌有將天道存焉調露中單于可汗伏念

外叛大鴻臚蕭嗣業喪律詔公為定襄道大總管軍至朔州斥候相接匈奴故態狙覷糧以餒師神將出奇張虛勢以陷敵乃偽轉運伏其壯士示羸師以行援隱精騎以躡迹寇果大下援兵驕虜益驚自為得色驅此車牛憩彼井泉於是箱中兵起千弩齊發要路騎飛一息而至羣胡顛沛殺傷滿野從茲饋運路無驚者觀夫大漠無睨穹廬靡所追之逃遁捨之憑陵費日老師兵家所病公潜使緩頰均其利心深圖既入狼意亦改及委

罪衙官陰送降狀公密上其事人莫知之及如其期舉國歸附煙塵大起師徒惶惑公徐使令軍曰此是伏念執溫傳來降非他寇也俄而銜壁轅門釋縛納款帝嘉厥勲命尚書崔知悌乘驛勞軍備禮獻凱策勲定日程務挺張虔勗者行軍之偏將也訴言子營逼逐方降大軍又屬秉鈞忌才下上其手公曰雖不逮羣師之讓力猶恥二王之競功今而殺降後無來者乃封公聞喜縣開國公而伏念溫傳皆戮都市是年也伏念弟元珍擁

其餘種復叛則天稱制追正宿枉贈伏念太僕卿程張
諸家別故夷族君子以為神理之不可誣也永淳元年
詔公為金牙道大總管未行遘疾四月二十八日薨於
京師延壽里春秋六十有四長子貞隱早卒嫡孫玄叅
嗣封貌視諸孤哀哀童幼高宗悼焉贈幽州都督賜凶
儀還鄉喪葬官供禮部郎中監護窆窆之數率禮有加
別出留守委皇太子擇六品京官一人檢校家事五六
年間待兒孫稍成長日停寵極哀榮禮之厚者澤及存

沒義莫重焉太常議謚博古多能文武表式曰憲其十月
葬我憲公於聞喜之東良原禮也神龍中興朝思舊
德贈公揚州大都督開元孝享宰嗣延恩贈公太尉生
不登乎台階歿追位乎霸宰序四時於下地調三光於
上天聖人神教意在茲乎公志堅慮精神勇識澈藝必
討本學皆覩典又善測候雲物推步氣象鬼無遯謀靈
不藏用著文集二十卷造草字數千文皆實傳人間以
為世法又撰選譜十卷又為軍營行陣部衆料敵等三

十六訣大聖天后令秘書監武承嗣就家收進以為秘術豈比馬卿浮華唯留封禪之草劉安虛誕空傳鴻寶之書而已哉加以汲引沉淪推獎氣類虛懷而襟帶不設弘亮而藏府洞開故虎旅雲從詞林響應若毛羽之崇麟鳳衆川之長江河也在選曹見駱賓王盧照隣王勃楊炯評曰炯雖有才名不過令長其餘華而不實鮮克全終見蘇味道王劇嘆曰十數年外當居衡石後各果如其言在軍麾擇帳下之士則有張知運薛訥閻敬

客其元暎裴恩諒王智方呂休景劉玄意引偏裨之將
則有程務挺張勛王方翼崔智詈党金毗郭侍封等九
所進拔盡為名將此則有道之人倫武侯之賞鑑也公
之送波斯也入莫賀延磧中遇風沙大起天地暝晦引
導皆迷公因命息徒至誠虔禱徇於衆曰井泉不遠須
臾風至氛開有香泉豐草宛在營側後來之人莫知其
處此乃耿恭之拜井商人之化城也公在禮闈勅賜善
馬及寶鞍令史奔馳馬倒鞍破懼而逃罪公使召之曰

欽定四庫全書

張燕公集
卷十八

去

知汝誤耳又平都支遮蔔大獲珍異首長將吏請遍觀
焉有馬腦大盤希代寶也隨軍王休烈捧盤跌倒應時
而碎叩頭流血惶怖請死公笑曰事有不意何至重玉
而害人乎此又文饒之含容邴吉之仁恕也公西擒都
支北降伏念前後錫馬五百疋僮二百人金銀器物三
千品錦罽織皮六百段公受置庭中旬日散盡此又趙
奢之待士田文之市義也若夫知人以為本感通以為
行善貸以為常散積以為樂古之友道者嘗從事於斯

矣公元夫人河南陸氏兵部侍郎爽之女也陸氏卒繼室以華陽夫人庫狄氏有任姒之德班左之才聖后臨朝召入宮闈拜為御正中宗踐祚歸養私門歲時致禮媼后補天進叅十亂少康嗣夏退協三從晉朝公卿列拜虞譚之母周官音注近出韋逞之家皇上臨極旁求陰政再降綸音將留內輔夫人深戒榮滿遠悟真筌固辭羸政超謝塵俗每讀信行禪師集錄永期遵奉開元五年二月四日歸真京邑其年八月遷窆於終南山鳴

欽定四庫全書

張熊公集
卷十八

三

鳴堆信行禪師靈塔之後古不合葬魂無不之成遺志也長子叅玄官至涇鄜二州刺史聿脩厥德人亡道存次子延休汾州汾水令世載文雄家乘草聖次子慶遠協律郎深達禮樂克和神人咸負長才同淪短運季子光庭侍中兼吏部尚書輔政邕熙致君堯舜孝理發乎陵廟仁澤遍乎松檟是故妻以夫榮母以子貴尚書先贈方伯申命上公夫人舊封華陽增號晉國詩云文武吉甫萬邦為憲上有公焉又曰彼美孟姜德音不忘小

君有馬孝經云立身行道以顯父母侍中有馬合三德而為家橫百世而濟美信可以言時稱代鏤石刊金者歟神道前銘薛令所撰且有後命俾余係述馬遷世家益孟堅之一傳劉寬表墓並伯喈之兩碑報德教忠俱傳不朽銘曰

天生亞聖祚此王國文綜九流武叅七德柔遠服叛窮西盡北赫我皇靈去其蠱賊仁則不遠智何不周如山之峻如川之流術與神合藝將道遊書來懸帳賦出登

樓司馬軍陣官人綱紀帝嘉常伯國子聞喜室有令妻
家成克子社金傳世桓珪守祀神為上台永介邦祉

故開府儀同三司上柱國贈揚州刺史大都督

梁國公姚文貞公碑奉勅撰

叙曰八柱承天高明之位定四時成歲亭育之功存畫
為九州禹也堯享鴻名播時百穀稟也舜稱至德由此
言之知人則哲非賢罔乂致君堯舜何代無人有唐元
宰曰梁文貞公者位為帝之四輔才為國之六翮言為

代之軌物行為人之師表蓋維岳降神應時間出者也
公諱崇字元之姚姓有虞之後遠自吳興近徙于陝今
家洛陽焉烈考長沙文獻公樹勲王室建旗雋府公純
綺而孤克廣前業激昂成學榮問日流武庫則矛戟森
然文房則禮樂盡在弱冠補孝敬挽郎又制舉高第歷
佐濮鄭並有聲華入為司刑承天授之際獄吏峻密公
持法無頗全活者衆進夏官員外郎郎中侍郎朝廷曰
能遂掌軍國遷鳳閣侍郎監脩國史兼相王府長史始

則天人讓王承置醴之顧終以飛龍利見延驂垂之恩
自時厥後恒當大任凡三處兵部尚書三入中書令一
為禮部尚書左庶子又肅政大夫總靈武軍兵馬又司
農卿知隴右監牧司出典毫宋常越許申徐潞揚同十
郡景雲初以蕃邸舊寮封梁國公食賦百室公性仁恕
行簡易虛懷汎愛而涇渭不離真率徑盡而應變無窮
常推是心以御於物故所蒞必毗庶風偃驚佞化從言
不勵而教成政不威而事理去思覩頌來暮聞歌既登

邦政卒乘輯睦及在宗伯神人允諧今之中書是為理
本謀事兼於百揆論道總於三台公執國之鈞金玉王
度大渾順序休徵來臻懋德格天名遂身遜拜開府儀
同三司崇其秩逸其志也初太夫人在堂公受任西掖
頗限局禁求侍晨昏優詔既許尋令還職公固請以泣
制曰家有令弟足慰母心國有棟臣安可暫闕其後剖
符江表敦諭起復衰麻外墨纓棘內毀變禮中權通識
所貴神龍之首與聞興復疇其井賦累讓而停夫以草

故鼎新大來小往得喪而不形於色進退而不失其正者鮮矣君子曰忠不忘親仁也哀不違事義也讓功辭邑禮也濟代全名智也仁以長人義以和下禮以安上智以周身宜其光輔四帝軒冕三紀池臺琴筑優游暮齒傳爵土於祚胤保祿位於終始矣享年七十有一開元九年九月寢疾薨東都之慈惠里皇上悼焉國人慕焉撫牀輟舂曾未云比制贈揚州大都督謚曰文貞禮也十年二月葬於萬安山之南原在疾也王人賜膳御

藥視醫于薨也中使弔臨羽儀哀送君臣之義厚莫重
焉子弁奕思綴遺美以寘罔極有詔掌文之官叙事盛
德之老銘功將以寵宗臣揚英烈帝乃洒恩仙翰鏤澤
豐珉日月照臨於佳城烟雲變態於神道寶其文字別
為羣玉之山禁其樵蘇即表三司之墓銘曰

源深自虞派別從吳避地魯陝居家洛都神明遠契岳
瀆冥符翊聖斯偶生賢不孤仁將勇濟孝與忠俱學伋
攢植文鋒迅驅纔安卑位即騁長途唯實唯有若虛若

無再三軍國一二訐謨戎柄尤重王綸最樞兼司任切
久政榮如黼藻彌煥丹青靡渝以寬容物以鑒分區外
或形放中恒禮拘箴雖誠口靜亦忘軀但覩渾璞誰詳
瑾瑜伊咎尺寸管樂錙銖名正身遂言誠願孚方辭漢
祿更辱齊組既積而散窮懽盡娛川歸東極日去西晡
上惻旅宸旁悲路衢藍田美玉荔浦明珠載廣休慶爰
彌典謨豐碑乃立盛業其鋪帝念頻軫仙毫特紆鐫金
刻石鳳篆龍圖七耀光動三泉澤滯銓能叙事理鬱詞

數求舊銘實慙殫思燕緬思雲霧尚想江湖有道之德
其何以踰延陵之墓空此嗚呼存沒終始遐哉邈乎

太子少傅蘇公神道碑

維唐景雲元年歲在庚戌十一月己巳太子少傅許國

蘇公薨於崇仁里之私第春秋七十有二嗚呼哀哉

一無

此二字

粵明年三月己酉朔葬我公於武功之先塋禮也

公諱環字昌容京兆武功人也其先出自帝高陽厥胤
曰黎實勤火正逮昆吾之子始封於蘇以國受氏公其

後也暨漢平陵侯子侍中嘉魏侍中則晉尚書遯暉華
國圖代載明德公高祖周度支尚書封國公諱綽立言
成務垂法後王曾祖隋尚書僕射開府儀同三司雍州
牧諱威嘉慕成績懿于當代大父隋尚書職方郎中鴻
臚卿諱夔理綜羣品識覃衆妙烈考秘書丞沁台二州
刺史追贈岐州刺史諱某遊藝聚學素風不隕一作潰公
系上聖之遐緒鍾盛德之衆茂資元和以體仁穆清明
以成美初孩而孤稟絳郡夫人之慈訓幼而岐嶷聰敏

冠常始讀山棲志一覽便誦及長博通經史尤善屬詞
年十八進士高第補寧州叅軍轉恒州司法丁絳郡夫
人憂自中出涉寒從至京兆哭不絕聲性以禮全形以
哀瘠左庶子張大安以孝悌上聞服闋拜恭陵丞轉相
王府錄事王改封豫官亦隨府上帝即拜朝散大夫尚
書水部員外郎未幾兼侍御史淮南廉按俄轉夏官員
外郎兼官尹丞歷水部祠部郎中兼判司理事以親聯
出為朗州刺史轉歙州刺史武興令檢校冀州刺史累

遷汾鼎同汴揚陝以累最入為尚書又拜右丞加銀青光祿大夫遷尚書左丞戶部尚書又拜侍中京師留守兼理冤滯車駕還京持節河北安撫加金紫光祿大夫轉吏部尚書東都留守尋追還守本職尋拜尚書右僕射同中書門下三品封許國公修國史今上踐祚拜尚書左僕射屢抗疏乞骸優答不許拜太子少傅公長子頤歷給事中中書舍人嘗與公聯侍紫墀接機黃閣前後之拜近古未有公體道貞固立志簡直多識前言遍

詳舊事自周隋損益家牒可紀公則紹之罔不畢綜故
閨門之內孝悌成則朋友之間忠信克舉其在叅佐也
婉孌柔嘉醜夷不爭其事藩邸也從容諷議賓寮是仰
四為郎而彌綸之功布于省閣九為牧而循良之績著
於州郡周旋二轄煒燿文昌迴翔兩宮耀爍巖廟版圖
國之信而五教在寬冢宰人之紀而九流式叙左右端
揆盡訐謨之略東西掖闡備忠讜之美德逾盛而心益
下位彌大而行益恭用能高而不危長守富貴考父三

命謙光數朝平仲一心中孚累聖非至德淑慎疇至此
哉夫其仁恕篤密清廉簡惠躬儉約以自持蹈名教以
檢物祿以周給不積于家財以睦親必均于衆故義廣
而私謁之徒阻名揚而兼濟之道宣茲亦叔敖之賢國
僑之懿也幾深通志精晤默識然文以遮跡一作實靡徇
其華學以辨微固伸於已故始終機揆舉無遺策斯又
子房之智孔明之能也造膝沃心務存匡救引過稱善
不近於名故聲聞於天而口無擇績宣於事而心罔專

蓋叔子之仁孔子之慎也兼斯衆善以享明德方將三
階載理兩宮更曜天命不佑奄忽遷殂朝喪其楨人隕
所戴天子悼焉臨遣大府卿李從遠策書弔祭輟朝三
日有司備禮發哀追贈司空荊州大都督賻絹八百段
米粟八百石凶事葬事並官給賜東園秘器大鴻臚卿
監護官為立碑皇太子別次發哀遣洗馬弔祭賻物二
百段義和擇日太常考行朱旗載路班劍啟行哀榮之
禮備矣諸侯之孝終矣公家代尚儉載在縑竹是疑作
其

生也門無主賓堂無雜客其終也塋無封樹隧無碑表
大漸之始遺令遵行題等泣血受命罔有踰越雖逼朝
旨不旌墳壙建碑於塋北一十五里故文藝之行經緯
之迹雖備於國章布在人口懼違先訓皆略而不書中
書侍郎同中書門下平章事范陽張公雅俗之鎮具瞻
令德文章之雄談者為楷偉公道德之首徽猷可行刊

石紀頌穆如清風頌曰

一作其
詞曰

斤斤蘇公正體

張集作
體正

含道稟靈淳粹為唐元老忠以

衛主孝以立身文以經國惠以安人司牧九郡九郡爰
靜平章百工百工爰整千載典憲三朝綱領上纂先人
五代相國下垂餘慶七子令德帝謂庭碩伊公是似一作
非以接待玉墀序拜金祀聯華疊潤佐我天子於戲彼蒼
國幹之亡地頽五嶽天折三光備禮詔葬羣官會喪掌
史司德刊銘路傍

張燕公集卷十八